

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiro tiro masare Cohamacu mehne ã jirucucu yoariro jia tiri jire. Mipare sã tirore yahu joana nija. Tirore tãhona, catiro warore tirore ñu sã. ã tjira. Tirore ñuna, sã wamomacari mehne tirore dahra ñu sã.

² Ahriro Cohamacu mehne ã jirucucu yoariro ahri yahpare to masa bajuari baharo tirore sã ñu. ã jina tirore yahuja sã musare. Tiro jipihia dachoripe to Pucuro mehne jirucuriro to jichu, mipare Cohamacu tirore ñore sãre. Tíre yahuja sã musare.

³ Cohamacu mehne macaina jija sã. To macuno mehne macaina cãhu jija sã. ã jina musa cãhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tãhorire musa cãhure sã yahuja.

⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira.

Cohamacure ne ñaa yoaa mariahna. To ã jia tiare yahuja m̄sare.

⁶ ã jina nahitianoĩ jiina yoaro seheta mari ñaare yoaina jipanahta “Cohamacu mehne macaina jija” nina, mari mahñona nija. ã yoa Cohamacu yare quihõno yoeraja.

⁷ ã yoa buhriaropu jiina yoaro seheta Cohamacu to yariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihtia mari ñaa yoari buhirire cohãna.

⁸ “Yuhu pini ne ñaare yoeraja”, ni wacũna, mahñoare t̄hotuna nija mari. Mari ã ni t̄hotuna Cristo yare potocã jiare ne masieraja.

⁹ Wiho mejeta Cohamacure mari ñaa yoarire mari yahuchu tiro quihõno yoriro jiro, mari ñaare borohca. ã boro jipihtia mari ñaa buhirire co-sawerohca tiro. To niriro seheta yoriro jira tiro.

¹⁰ “Ñaare yoeraja” nina, “Cohamacu mahñoriro jira”, nina nija mari. Õ seheta niina to buheare cahmaerara.

2

Cristo marine yoadohora

¹ Yh pohna, m̄sa ñaare yoerahto sehe ahrire joai nija. Yh ã ni joapachuta ñaare yoaboca m̄sa. M̄sa ã yoachu ñuno Jesucristo noariro m̄sa ya cjihtire to P̄curore õ sehe ni sini payorohca: “Ah-rina ti ñaare yoari buhirire buhiri dahrei tjiga”, ni sini payorohca to P̄curore.

² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapɥ cãhɥre ti ñaa yoari buhirire cohã masina tiro.

³ Cohamacɥ to dutiare yoana, tirore potocãta noano masija mari.

⁴ Cãiro Cohamacɥ dutiare yoaeraparota “Yɥhɥ Cohamacɥre masija” nino, tiro mahñoriro jira. Ñ jiro Cristo yare potocã jiare ne masierara.

⁵ Pairo sehe Cohamacɥ dutiare yoariro Cohamacɥre tuaro cahñriro jira. “¿Cohamacɥ mehne macaina jijari mari?” ni masi duana, õ sehe mari masinahca:

⁶ “Cohamacɥ mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichɥ ñɥna “Cohamacɥ mehne macariro jija”, ni masija mari.

Wahma dutiare yahu dɥcaha

⁷ Yɥ cahñina, ahri dutia mipɥre mɥsare yɥ yahuhto wahma dutia jierara. Ahri dutia mɥsa wahmanopɥre cjariro cjiro mɥna dutia tjira. Tí dutiare mɥsa tuho tuhsɥre.

⁸ Mipɥ sehere mɥsare yɥ yahuhto mɥna dutia jiparota wahma dutia cãhɥ jira. Cristo, mɥsa cãhɥ tí dutiare yoara. Mipɥta nahitiano to pihti wahcãchɥ mari ñɥ masino seheta mɥri masierarire masi dɥca wahcãna nija mari. Ñ jiro buhriaro mehne mari ñɥ masino seheta Cristo mɥsare potocã jiare masichɥ yoaro ta tuhsɥre.

⁹ “Yɥhɥ buhriaropɥ jiro yoaro seheta Cohamacɥ dutiare yoariro jija”, cãiro niparota, painare ñɥ tuhtiriro jiro, tiro Cohamacɥ dutiare yoaerara.

10 Ñ yoa paioire cahĩriro pinihta buhriaropu jiriro yoaro seheta Cohamacu dutiare yoariro jira tiro. Ñ jiro ñaare pari turi yoa duaerara.

11 Pairore ñu tuhtiriro sehe nahitianopu jiriro yoaro seheta jiro nina. Tiro capari ñu erariro yoaro seheta jira. To wahahtore ñu masierara tiro.

12 Yu pohna, Cristo to yariaro mehne musa ñaa yoari buhirire cohãri jire. Ñ jicu musare yahu joai nija.

13 Musa pucsuma cãhu, musa Cristore wahmanopure jirirore masina musa. Musa ñ masiina jichu musa cãhure yahu joai nija. Musa wahma yapia ñariro watĩnore yuhdurucare musa. Musa ñ yuhdurucaina jichu musa cãhure yahu joai nija.

14 Yu pohna, Cohamacu mari Pucure musa masina. Musa ñ masiina jichu musare mipure yahu joai nija. Musa pucsuma, musa Cristore wahmanopure jirirore masina musa. Musa ñ masiina jichu musare yahu joai nija. Musa wahma yapia potocãta musa Cohamacure wacũ tuaina jira. Ñ jina musa Cohamacu yare yoara. Ñ yoana, musa ñariro watĩnore yuhdurucare. Ñ jicu musare yahu joai nija.

15 Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacu mari Pucu sehene cahmaerara musa.

16 Ñaina ti basi ñaare ti goa pjari, ñaare ti ñu duari mari Pucu Cohamacu ya jierara. “Noano cãa pahñoriro, masi pahñoriro jija yuhu. Ne cãiro masuno yuhure yuhdurucaerara”, masa ti ni

tuhotua mari Puc̄u Cohamac̄u ya jierara. Tí jipihtia ahri yahpa macaa jira.

¹⁷ Ahri yahpa, ahri yahpa macaa c̄uh̄u masa ti cahmari cjiri pihtia wahaahca. Cohamac̄u cahmaare yoariro sehe jipihtia dachoripe Cohamac̄u mehne jirucurohca.

Cristore ñ̄u tuhtiro sehere yahuha João

¹⁸ Ȳu pohna, ahri dacho to pihtihto mahanocã d̄hsara. “Cristore ñ̄u tuhtiro tarohca” ni, Jesu yaina m̄sare yahu tuhs̄ure. Mip̄ure Cristore ñ̄u tuhtiina paȳu ji tuhs̄ure. Ti ã jich̄u ñ̄una mip̄ure pihtihti dacho cjihto mahanocã to d̄hsach̄u masija mari.

¹⁹ Ahrina Cristore ñ̄u tuhtiina sehe mari mehne jipahta potocã mari mehne macaina jierare. ã jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãch̄u mari mehne macaina ti jierach̄u masija mari.

²⁰ Cristo Esp̄ritu Santore m̄sa sehere ware. ã jiro Esp̄ritu Santo m̄sa mehne jira. ã jina m̄sa jipihtina Cristo yare potocã jiare masi tuhs̄ura.

²¹ M̄sare yahuc̄u “Cristo yare masierara m̄sa”, ni tuhoturaja ȳuh̄u. M̄sa Cristo yare masiina jich̄u ñ̄uc̄u m̄sare yahuja. Cristo ya ne mahñoa jierara. Tí c̄uh̄ure masiina m̄sa jich̄u masija ȳuh̄u.

²² Ahriro jira mahñoriro: “Jesu Cohamac̄u masare ȳhd̄ch̄u yoa duti to warocariro Cristo waro jierara”, niriro sehe mahñoriro jira. Potocãta Cristore ñ̄u tuhtiro jira tiro. Cohamac̄ure, to mac̄no c̄uh̄ure cahmaerariro jira Cristore ñ̄u tuhtiro.

23 Õ sehe tjira: Jesure cahmaerariro sehe to Ручуро cãhure cahmaerariro tjira. Jesure cahmariro sehe to Ручуро cãhure cahmariro jira.

24 Wahmanopure Cohamacure musa tuhori cјirire noano wacũga. Tíre wacũna, Jesu mehne macaina jinahca musa. ã yoa to Ручуро mehne macaina jinahca.

25 Tíreta Jesu marine yahure. Õ sehe jira to yahuri cјiri: “Musa jipihtia dachoripe Cohamacu mehne јirucunahca”, ni cüre Jesu marine.

26 Paina musare mahñoa nina. Ti ã mahñoare masicu musare yahu joai nija.

27 ã ti mahñoina musa јipachuta musa sehere Cristo Espíritu Santore wa tuhsare. Espíritu Santo musa mehne jira. Musa mehne јiro musare buheriro jira. ã јiro tiro јipihtiare musare yahura. To yahua potocãta jira. Mahñoare yahuerara tiro. ã јina paio musare buhehtirore cahmaerara musa. Espíritu Santo to niriro seheta yoaga musa mipure. ã yoana musa Cristo yare tuhona, tiro mehne macaina јiga.

28 ã tjira. Yu pohna, Cristo mehne macaina јiga musa. ã јina Cristo to tahti dachore musa cuisu. ã јina tiro to tahti dachore musa buo ti duhtisi.

29 Cristo noare yoariro to јichu musa masina. Tíre masina ahri cãhure masiga musa. Јipihtina noare yoaina Cohamacu pohната јira. Ahri cãhure masiga musa.

3

Musata Cohamacu pohna јira

1 “Musa yu pohna jira” nino, tuacaro cahĩ yuħdũrcajari Cohamacu marine. To ã cahĩina jinata to pohna jija mari. Ahri yahpa macaina ñaina Cohamacu masierara. Ñ jia Cohamacu pohna mari jichu ñua tina mari cãhũre masierara.

2 Yu cahĩina, mipũre Cohamacu pohna jija mari. Ñ jipanahta baharo mari jihti cjihtire mari noano masierasinja. Ñ masierapanahta ahri sehere masija. Cristore mari ñua, dóihta mari tirore ñu masinahca. Ñ jina Cristo marine to bajuachu tiro to jiro seheta mari cohtotannahca.

3 Jipihtina ahrire masiina Cristo to tahtore cohtaina tirore ñu cãa ñaare yoa duaerara.

4 Ñaare yoana to dutiare yuħdũrcana nija. Ñ jia jipihtina ñaare yoaina Cohamacu dutiare yuħdũrcaina jira.

5 Cristo masare ti ñaa buhirire cohãhtiro cjihto bajuari jire. Tiro ne ñaare yoaerara. Tíre masina musa.

6 Ñ jia jipihtina Cristo yaina ñaare yoarucuerara. Pairo sehe ñaare ã yoarucuriro Cristore wacũ tu-aeraro, ne tirore masierara. Ñ jiro Cristo yairo jierara.

7 Yu pohna, musare mahñoinare ne tũhoena tjiga. Jipihtina noaare yoaina Cristo yoaro sehe noaina jira.

8 Pairo sehe ñaare ã yoarucuriro watĩno yairo jira. Watĩno pinihta dóihta ñaare yoariro jia tiri jire. Ñ jiro watĩno to ñaare yoaare, to ñaare yoa dutia cãhũre duhuchu yoahtiro cjihto Cohamacu macuño bajuari jire.

9 Cohamacu pohna jina Cohamacu yoaro seheta

jiina jija. Ñ jinata ñaare yoarucueraja. Cohamacu mari Pucuc to jichuc mari sehe ñaare yoarucu masieraja.

¹⁰ Õ sehe jiiinare Cohamacu pohinare masinahca: Cohamacu pohna watino pohna yoaro sehe jierara. Ñaare yoarucuina, painare cahieraina Cohamacu pohna jierara.

Musa mehne macainare cahinga

¹¹ “Mari mehne macainare cahijihna”, ni buheare wahmanopure taho tuhsure musa.

¹² Mari Cañ to ñano yoariro seheta yoaena tjijihna. Tiro watino yairo jiro, to bahurore wajaa tiri jire. ¿Dohse yoaro tirore wajari, musa tshotuchuc? Tíre yahuihtja musare: Cañ to yoari cjiri ñaa jia tiri jire. To bahuro sehe to noaare yoariro jichuc ñuc tuhtiro to wahmino sehe tirore wajaa tiri jire.

¹³ Ñ jina yuc coyey, ahri yahpa macaina musare ti ñuc tuhtichuc “¿Dohse jiro baro marine ñuc tuhtijari tina?”, ni tshotuena tjiga.

¹⁴ Mari pichacapuruc wahaborina jimai. Mipure manopuruc ñ jirucuhtina cohtotarinapuruc jina nija mari. Jesu yainare cahina, Cohamacu marine to cohtotachuc yoarire masija mari. Masare cahierariro pichacapuruc wahahtiro jira.

¹⁵ To coyeyore ñuc tuhtiriro masare wajariro jira, Cohamacu to ñuchuc. Masare wajaina ne manopuruc Cohamacu mehne jirucusi. Tíre noano masina musa.

¹⁶ Masare cahiare õ sehe masinahca. Jipihtia dachoripe Cohamacu mehne mari jihto cjihtore Cristo yariaro marine tuaro cahire. Ñ yariaro marine to ñ cahirucurire masichuc yoaro nire. Ñ jina

Cohamacu to cahmachu mari cūhure Jesu yaina yaro jiborirore yariaro cahmaboca.

17 Payu cjuariro Jesu yairore pjacuorirore ñuparota tirore pja ñueraro, Cohamacure cahñerara tiro.

18 Yu pohna, mari cahña sehe mari dusero dihta wijaero tjjaro. Masare mari cahña, potocãta tinare yoadohoro cahmana marine.

Cuiro marieno Cohamacu cahai ji masija mari

19 Tó sehta cahña mari potocã Cohamacu yaina mari jia tia cūhure masinahca. Ñ jina Cohamacu cahai ne cuiro marieno mari ji masija.

20 Ñ jina “Ñaa buhiri jica yuhure”, mari ni tūhotupanahta, Cohamacu cahai cuiro marieno ji masija. Tiro sehe mari yuhdoro tuariro jiro jipihtiare masi pahñoriro jira.

21 Yu cahña, noaare yoana, “Noaa sehere yoana nija”, ni tūhotuna, Cohamacu cahai mari cuiro marieno ji masija.

22 Cohamacu to dutiare, to cahmaa cūhure mari yoachu, tirore mari sinino purota tiro warohca.

23 Ñ sehe dutira tiro marine: “Cohamacu macunore Jesucristore wacū tuaga. Ñ yoa Cristo marine to dutiro sehta mūsa mehne macainare cahiga mūsa”, ninota dutira marine.

24 Cohamacu dutiare yoariro Cohamacu mehne macariro jiro nina. To ñ jiro jichu, Cohamacu tiro mehne macariro jira. Cohamacu mari mehne macariro to jiare mari masi duachu marine to wariro Espiritu Santo tíre marine masichu yoarohca.

4

*Mahñoare ti buhechꞤ, CohamacꞤ yare ti buhechꞤ
cãhꞤre noano ñꞤ masi dutiha*

¹ YꞤ cahĩina, paina “CohamacꞤ yairo Espíriture cꞤaaja”, niina ti jipachꞤta ti buhea mahñoa jira. Paina sehe Espíritu Santo warore cꞤaaina ne mahñoño marieno buhera tina. PayꞤ “CohamacꞤ yare yahu mꞤhtaina jija”, nipahta mahñoina jira mĩpꞤre. JipihtiropꞤ jira tina. ã jina paina mꞤsare ti buhea sehe mahñoa buhea jichꞤ ñꞤ masiga mꞤsa. CohamacꞤ ya ti jichꞤ cãhꞤre ñꞤ masiga mꞤsa.

² CohamacꞤ yairo Espíritu Santore cꞤaainare mꞤsa ñꞤ masi duana, õ sehe masinahca: “Jesu-cristo ahri yahpapꞤ mari yoaro sehe pꞤacꞤ tiriro bajuari jire” ni, buheina CohamacꞤ yairo Espíritu Santore cꞤaaina jira tina. ã jina ã ni buheinare ñꞤ masinahca mꞤsa.

³ Paina sehe “Jesu ahri yahpapꞤ mari yoaro sehe pꞤacꞤ tiriro bajarari jire” ni, buheina CohamacꞤ yairo Espíritu Santore cꞤaeraina jira. Ti ya tꞤhotua Cristore ñꞤ tuhtiriro to tꞤhoturo seheta jira. “Cristore ñꞤ tuhtiriro tarohca”, ti nirire tꞤho tuhsꞤre mꞤsa. ã yoa to ya buhea ahri yahpapꞤre wihi tuhsꞤre.

⁴ MꞤsa sehe yꞤ pohna, CohamacꞤ yaina jira mꞤsa. ã jina “CohamacꞤ yare yahu mꞤhtaina jija sã” ni, mahñoinare yꞤhdꞤrꞤca tuhsꞤre mꞤsa. MꞤsa mehne jiro Espíritu Santo sehe tua yꞤhdꞤrꞤcara. ã jiro ahri yahpa macaina yairo watĩno yꞤhgoro tuara. ã jina mahñoinare yꞤhdꞤrꞤcare mꞤsa. ã jina ti buheare cahmaerare mꞤsa.

⁵ Mahñoina sehe ahri yahpa macaina ñaina jira. ã jia tina ahri yahpa macaa ñaare ti buhech_u ahri yahpa macaina ñaina sehe tinare noano t_uhora.

⁶ Mari sehe Cohamac_u yaina jija. ã jia Cohamac_ure masiina marine noano t_uhora. Paina sehe Cohamac_u yaina jieraa, marine ne t_uho duaerara. Ti ã t_uho duaerach_u ñ_una ti ya buhea Cohamac_u ya buhea ti jierach_u masinahca mari. Paina sehe marine ti t_uhoch_u ti ya buhea noaa buhea ti jich_u c_uh_ure masija mari.

Cohamac_u painare tuaro cahĩrucuriro jira

⁷ Y_u cahĩina, Cohamac_u marine painare cahĩch_u yoariro jira. To ã yoariro jich_u ñ_una mari mehne macainare cahĩjihna mari. Masare noano cahĩina sehe Cohamac_u pohna jira. ã jia tina Cohamac_ure noano masina.

⁸ Cohamac_u jipihtinare tuaro cahĩrucuriro jira. To ã cahĩrucuriro to jich_u masare cahĩeraina sehe Cohamac_ure masierara.

⁹ Cohamac_u marine to cahĩare mari masi duana, õ sehe masinahca: Cohamac_u sehe to mac_unore c_uirota jirirore marine y_uhd_uch_u yoahrtiro cjih-tore ahri yahpap_ure warocari jire. ã warocaro marine to cahĩare marine masich_u yoaro niri jire.

¹⁰ Cahĩa waro õ sehe jira: Cohamac_ure mari cahĩri cjiri sehe potocã cahĩa waro jierara. Marine Cohamac_u to cahĩa sehe potocãta cahĩa waro jira. ã yoa to mac_unore mari ñaa buhirire cohãhtiro cjih-tore warocaro marine tuaro cahĩna tiro.

¹¹ Y_u cahĩina, Cohamac_u ã tuaro marine to cahĩch_u ñ_una mari c_uh_u mari mehne macainare cahĩjihna.

12 Masa sehe ne Cohamacure ñuerare. Tirore ñueraina mari jipachuta mari mehne macainare mari cahĩchũ, Cohamacũ sehe mari mehne ã jirucuro nina. ã jiro potocãta marine cahĩ namorucuchũ yoara tiro.

13 Cohamacũ sehe marine to yairo Espĩritu Santore ware. ã jina Espĩritu Santore cjuana, Cohamacũ mehne mari noano jia tiare, tiro sehe mari mehne to noano jia tia cũhũre masija mari.

14 ã yoa Cohamacũ mari Pũcũ to macũnore ahri yahpa macainare yũhdũchũ yoah tiro cjihtore to warocarire sã ñũĩ. Tĩre ñũna painapũre tĩre yahuja sã.

15 Cohamacũ mehne macariro õ sehe niriro jira: “Jesu Cohamacũ macũno jira”, niriro tiro pini Cohamacũ mehne macariro jiro nina. ã yoa Cohamacũ cũhũ tiro mehne macariro jiro nina.

16 ã yoa marine Cohamacũ to cahĩare masija mari. Cohamacũ jipihtinare tuaro cahĩrucuro jira. ã jiro cãiro masare cahĩrucuro jiro, Cohamacũ mehne macariro jira. ã jiro Cohamacũ cũhũ tiro mehne macariro jira.

17 ã jina mari noano cahĩ namorucuja Cohamacure, paina cũhũre, buhiri dahreri dacho jichũ mari cuiro marieno mari jihto cjihtore. ã jina cuiro mari ahri yahpai Cristo yoaro sehe jina.

18 Painare cahĩa mehne ne cuiro mariahna. Cohamacũ marine to cahĩare masina mari ñano wahtore ne cuieraja. Masa cuiro tinar buhiri dahrehtore cuiina jira. ã jiro cuiro sehe Cohamacũ cahĩare masierariro jira.

19 Marine Cohamacũ cahĩ mahtari jire. ã jina

mari cãhũ tirore cahĩja.

²⁰ Cãiro “Cohamacũre cahĩja”, niriro jiparota pairore ñũ tuhtiriro jiro, mahñoriro jira tiro. Tiro to ñũrĩrore cahĩeraro, Cohamacũre cahĩ masierara tiro, tirore ñũeraro.

²¹ ã jiro õi jira marine Cristo to dutia: Cohamacũre cahĩriro jicũ mũ cahai jiriro cãhũre cahĩga.

5

Cohamacũ pohna ahri yahpa macaa ñaare yoa duaerara

¹ Jipihina Jesure “Cohamacũ masare yũhdũchũ yoa duti to warocariro Cristo jira” niina, Cohamacũ pohna jira. Paina pũcũrore cahĩna, to pohna cãhũre cahĩja mari.

² Tó seheta Cohamacũre cahĩna, to dutiare noano yoana to pohna cãhũre mari cahĩna nija.

³ To dutiare noano yoana Cohamacũre cahĩna nija. Cohamacũ to dutiare mari yoachũ marine warũoerara. Mari jipihina Cohamacũ pohna jina, ahri yahpa macaa ñaare cahmaeraja mari. ã jia to dutiare mari yoachũ warũoerara.

⁴ Cohamacũre wacũ tuana ne ahri yahpa macaa ñaare cahmaeraja. ã jina tirore mari wacũ tuari baharo ñano yoa duaeraja.

⁵ Ñaare cahmaerana õ sehe niina jija mari: “Jesu Cohamacũ macũno jira”, niina jina ahri yahpa macaa ñaare cahmaeraina jija mari.

Cohamacũ macũnore yahuha Joã

⁶ Jesucristo ahri yahpapũ to tachũ tirore João co mehne to bautisarire masina, crusapũ to di cohãri

cãhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoerara. To di cohãri cãhu marine tíre masichu yoara. Espíritu Santo “Jesu-cristo Cohamacu macuno jira”, ni yahura marine. Tiro potocã ni yahuriro jira.

⁷ ã Jia Jesu Cohamacu macuno to jiare tiaro marine yahura:

⁸ To macuno to jiare Espíritu Santo sehe marine yahura. ã yoa Jesure co mehne to bautisari cãhure masina, Cohamacu macuno to jiare masija mari. ã jina mari ya cjihtire to yariarire to di to cohãrire masina, Cohamacu macuno to jiare masija mari. ã jia tí sehe cãno potori marine masichu yoara Jesu Cohamacu macuno to jiare.

⁹ Masa ti yahuare tãhona “Potocã tjira”, nija mari. ã niina jipanahta Cohamacu to macunore to yahuchu masa ti yahua yãhdoro tiro sehere noano tãhoro cahmana marine. Cohamacu waro to jichu to macunore to yahuare tãhoro cahmana marine.

¹⁰ ã Jia jipihtina Cohamacu macunore wacũ taina Jesure yahua buheare noano tãhora. “Potocã tjira”, ni tãhotura tina Jesure yahua buheare. Cohamacu to macunore to yahuare tãhoerariro “Cohamacu mahñoriro jira”, niriro jira tiro.

¹¹ Cohamacu marine jipihtia dachoripe to catia mehne ã jirucuchu yoarohca. Cohamacu macuno yaina mari jichu ñno ã jirucuchu yoarohca marine. Ahri jira Cohamacu marine to yahua.

¹² Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ M_{usa} Cohamac_u mac_uno_{re} wac_u tuaina Cohamac_u catia mehne ã jirucunahca. Tíre m_{usa} masihtu cjihtire m_{usare} yahu joai nija.

¹⁴ Cohamac_u to cahmariro seheta mari tirore dohse jiare mari sinich_u tiro marine noano t_{uho} n_un_unohca. ã mari sinina “Potocãta noano t_uhora tiro”, ni masija mari.

¹⁵ Tirore mari sinich_u, tiro marine t_uhora. To ã t_uhorire masina, tirore mari sinino purota to wahtiro jich_u cãhure masija mari.

¹⁶ M_{usa} coyeyiro to ñaare yoach_u ñ_una, tí ñaa Cohamac_u pichacap_u to waha dutia ñaa jierach_u, tirore sini payobasaga Cohamac_ure. ã jiro Cohamac_u tirore yoadohoro to catia mehne ã jirucuch_u yoarohca tirore. Cohamac_u pichacap_u to waha dutieraina dihtare sini payobasaga m_{usa}. Paye ñaa sehe Cohamac_u pichacap_u to waha dutia ñaa waro jira. Cãiro tí ñaa warore to yoach_u “Tirore sini payobasaga m_{usa}”, nieraja y_uh_u.

¹⁷ Jipihtia ñaa yoaa ñaa warota jira, Cohamac_u to ñ_uch_u. Ti ã jipach_uta paye ñaa Cohamac_u pichacap_u to waha dutia ñaa jierara.

¹⁸ Cohamac_u mac_uno Jesu sehe Cohamac_u poh_unare noano ñ_u wihbora. To ã ñ_u wihboch_u wat_uño sehe Cohamac_u poh_unare ne ñ_uno yoa masierara. ã jia Cohamac_u poh_una sehe ñ_uare ã yoarucuerara. Ahrire mari masija.

¹⁹ Mari sehe Cohamac_u yaina jija. Wat_uño sehe ahri yahpa macaina p_uhtoro jira. Ahri cãhure mari masija.

²⁰ Cohamacu macuno ahri yahpape taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhare mari masija. Cohamacu macuno Jesucristo yaina jija mari. Ñ jina potocãta Cohamacu waro mehne macaina jina nija. Ahriro yu niriro potocãta Cohamacu waro jira. Ñ yoa ahriro to macuno to catia mehne ã jirucuchu yoariro jira.

²¹ Yu pohna, “Cohamacu jira”, ti nia masurine ño payoena tjiga.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 30 Jul 2024 from source files
dated 29 Jan 2022
1f3a4366-edba-553b-a17f-bc47c9049c98